

Endring i renovasjonsruter

Renovasjonsendring veke 13, etter påske:

Rute 9 (tysdagsruta) blir køyrt onsdag 26. mars.

Rute 10 (onsdagsruta) blir køyrt torsdag 27. mars.

Avfallskalenderen som er sendt ut tidlegare viser dei rette datoane.

Vi minner også om tidlegare informasjon om at dunkane/sekkane skal vere sett fram til kl. 7 på hentedagen.

Bingsa

Skodje kommune v/teknisk avdeling vil minne om avtalen ein har med Ålesund kommune om levering av avfall til Bingsa avfallsplass.

I 2008 vert det ikkje loftsrydding.

Ved Bingsa avfallsplass kan abonnentane levere avfall gratis alle kvardagar, også laurdag.

Ledige stillingar

Frå medio juni 2008 er det ledig 100% fast stilling som avdelingsleiar for heimetenestene. **Søknadsfrist 17. mars 2008.**

Frå 1. august 2008 vert det ledig faste stillingar, vikariat og mellombelse stillingar ved skular, barnehagar og vaksenopplæring. **Søknadsfrist 25. mars 2008.**

Meir informasjon om stillingane på www.skodje.kommune.no

Renovasjon i 2007

Renovasjonen har fungert i 2007 slik den har gjort tidlegare år. Det vart innhenta følgjande mengder avfall (i kilo) for 2007:

Type avfall	Mengde i 2007	kg pr. innb.	Mengde i 2006
Hushaldningsavfall	790 060	215,4	767 460
Papp/papir	204 360	55,7	162 120
Glas	21 000	5,7	10 732
Tekstilar	4 555	1,2	7 775
Farleg avfall	9 082	2,5	8 200
Loftsrydding *)	146 296	39,9	186 620
EE-avfall	22 031	6,0	3 950
Metall/stål	32 537	8,9	
Privat levering, Bingsa	152 326	41,5	
Levering frå skular, barnehagar m.m.	11 860		
Totalt	1 448 675		

1 448 675 kg tilsvarer 395 kg pr. innbyggjar.

*) EE-avfall og metall vart samla inn gjennom loftsryddinga. Total mengde for loftsryddinga vert då 200 864 kg, eller 54,8 kg pr innbyggjar.

Skodje kommunale vassverk

På Storsætra i Engesetdalen har Skodje kommune eit vasshandsamingsanlegg. Anlegget har trykksil for partikkelfjerning, desinfeksjon med UV-stråling, korrosjonskontroll, og pH-justering. Her er òg eit naudkloranlegg.

Totalforbruk: 20 liter pr. sekund. Det tilsvarer 72 000 liter pr. time eller 1,7 millionar liter pr. døgn.

Vassanalysar:		
pH:	6,5 - 7,5	(rettleiande verdi etter forskrifta: 7,5 - 8,5)
Fargetal:	3	(rettleiande verdi etter forskrifta: 20)
Kolif.bakteriar:	0	(rettleiande verdi etter forskrifta: 0)
Hardleik:	0,3 °dH	(metode: MA 401:1990)

Unngå restskatt og rentetillegg

Frist for innbetaling av tilleggsforskot for inntektsåret 2007 er **30. april 2008**. Dette gjeld både for aksjeselskap, næringsdrivande og personlege skattyatar.

Beløpet kan betalast til Skatteoppkrevjaren i Skodje, bankkonto 6345 06 15295.

Betalinga skal ha eit KID-nummer. Du kan lage KID-nummer på www.skatteetaten.no.

Hugs å velje 2007 som inntektsår, og tilleggsforskot som skatteart.

Litt av kvart

Legevakt i påska

Legevakta i Skodje, Stordal og Ørskog.

Tlf: 70 27 03 00

Opningstider:

Onsdag 19. mars:	14.00-20.00
Torsdag 20. mars:	14.00-20.00
Fredag 21. mars:	14.00-20.00
Laurdag 22. mars:	11.00-17.00
Søndag 23. mars:	14.00-20.00
Måndag 24. mars:	14.00-20.00

Legekontora stenger onsdag 19. mars kl 12.00.

Legevaktsentralen formidler hendendingar mellom kl 12.00 og 14.00 denne dagen.

Ny jordmor

Marit Myklatun er tilsett som vikar i 40% stilling som jordmor ved helsesenteret ut året 2008. Ho var ferdig utdanna i 1985, og har mange års erfaring som jordmor på føde-/barselavdeling og i kommunehelsetenesta. Ho har vore tilsett ved Aker sjukehus, Bærum sjukehus, og dei siste seks åra ved Ålesund sjukehus. Ho har åtte års erfaring frå svangerskapsomsorg i Bærum kommune.

Skodje kommune
ønskjer alle

God påske!

Neste Kommunenytt

Neste Kommunenytt kjem ut ca. 20. juni. Frist for innlevering av stoff til dette nummeret er 12. juni.

Leige av ungdomshuset Fagerheim

Skodje frilynde ungdomslag hadde årsmøte 10. februar. Det vart valt nytt styre og ny leiari, som tek over ansvaret for utleige av Fagerheim. Ta derfor kontakt med den nye leiaren, Aina Strand, dersom du ønskjer å leige Fagerheim.

Kulturmidlar

Det er høve til å søkje om kulturmidlar for alle lag som driv kulturarbeid i Skodje kommune, anten det er idrett, song og musikk eller andre typer av kulturarbeid. Arbeid med barn og unge og arbeid mot rus vil bli prioritert.

Søknadsfristen er **1. april**.



Dette skjer

Gudstenester fram til sommaren

Dato:

Søndag 9. mars	Barnas misjonsdag
Torsdag 20. mars	Skjærtorsdag
Søndag 23. mars	Høgtidsgudsteneste
Søndag 6. april	
Søndag 20. april kl. 18.00	Samtalegt. I
Søndag 27. april kl. 17.00	Samtalegt. II
Laurdag 10. mai kl. 12.00	Konfirmasjon I
Søndag 11. mai (Pinsedag)	Konfirmasjon II
Laurdag 17. mai	Familiegudst.
Søndag 25. mai	
Søndag 8. juni	
Søndag 22. juni	

Offerformål:

Normisjon, misjonsprosjektet
Misjonsambandet
Misjonssekskapet
Kyrkjelydsarbeidet
KIA-Møre
Familie og Medier
Kyrkjelydsarbeidet
Kyrkjelydsarbeidet
Speidarane i Skodje
Kirkens SOS
Kyrkjelydsarbeidet
IKO

Storfjordstemne

Storfjordens Venner arrangerer Storfjordstemnet på garden Smogelia søndag 8. juni. Smogelia ligg på austsida av Sunnlyvsfjorden, omlag 347 meter over havet. Smogelia vart fråflytt i 1957, men det har vore busetting på garden sidan 1500-talet.

Det vert sett opp båtskyss. Servering av rømmegrøt.

Meir informasjon på www.storfjordens-venner.no

Snehvit, Teigen, og et speil fra Bergen!

Fredag 4. april og lørdag 5. april har Skøye teaterlag oppsetning av stykket «Snehvit, Teigen, og et speil fra Bergen».

Stykket er en blanding av et kjent eventyr, sanger av Teigen, og et speil fra Bergen.

I år er det mange unge talent, i tillegg til de mer gamle og slitte, i teaterlaget som stiller på scenen.

Benytt sjansen til å få med deg denne opplevelsen i begynnelsen av april.

Eventyr, sang, humor og mer til.

"Kommunenytt" er utgitt av Skodje kommune, og blir distribuert til: Alle husstandar, handlande og kontor i Skodje, kommunale avdelingar og Ålesundsregionens utviklingskontor. Redaksjon og layout: Knut Berg. Ansvarleg redaktør: rådmann Kjell Bjørdal.



SKODJE KOMMUNE

6260 SKODJE | 70 24 40 00 | Beredskapstlf. teknisk: 99 29 66 35
postmottak@skodje.kommune.no | www.skodje.kommune.no